

إنسانى يا أنانى

سنين أهواك وتهوانى
معاك كان أجمل أيامى
حببتك داخل وجدانى
كان حبى وعائش احلامى

مجاش ببالى ح تنسانى
دا كنت منايا و أحلامى
وانا ياما رويتك بحنانى
وسافرت و نسيت ايامى

و مسحت نوتة ألحانى
لما ظهرت وحده مكانى
جه ببالك ؛ تهدم بنيانى
تنسانى، وتنسى أيامى

فمرك انت تهز كيانى
وأقول: نصيبى آه يانى!!
و دمع يسيل مع أشجانى
تضيع سنينى وأعانى

فاكر حد يملئ مكاني؟!
لا وحياتك راجع تاني
وتقولى أفلام وأغانى
نادم، قوليلى: مسمحانى

وانت ساكنه بوجدانى
روحي كمان مخاصمانى
الشوق وبعدك بكاتى
أى كلام ما لو معانى

ورجعت تغنى من تانى
كلام وفاكره، إنسانى
بتحب نفسك يا أنانى
فاكرنى ح ارجعلك، تانى

تفتكر، ح افضل بمكانى؟
وشباب وكتير وقدامى
منهم واحد جد وجانى
قال لى: وحياتك عاجباتى!

أمتى تقولى: ريدانى
أجيب ماذونى ف ثوانى
شقه وجاهزه أدي عنوانى
والعفش جاهز(أسببانى)

شهر العسل فى ميامى
سيارتى أهيه قدامى
آخذك وأطير، آه، يانى!
يا أحلى هديه ف زمانى

ومعاكى أعزف ألحانى
على أنغام الرحبانى
وتغنى أصاله و نانى
و يبقى زمانى أحيانى!

أصل أنت طبعك أنانى
نسيتك روح وانسانى
أنا هاخذ حد بيهوانى
صُبرُ سنين يستنانى

شبكة وجبها عاجبانى
والطبع عنده إنسانى
أهلى وصحبى وجيرانى
وانت معزوم فى ميامى